

ՀԱՅԱՍՏԱՆԵԱՅՑՍ ԱՌԱՔԵԼԱԿԱՆ Ս. ԵԿԵՂԵՑԻՈՅ ՊԱՏՄՈՒԹԻՒՆ.

(Շ-բ-ը-ի. Աբ-բ-ը, Բ. ԺԱ.).

Յուխէփ կաթուղիկոսի ժամանակ\*) Պարսկաստանում թագաւորումը Յազկերտ Բ. որի հաղարտպետն էր Միհրներսէհ անուն մի խորամանկ և քաղաքագէտ պարսիկ: Միհրներսէհ աչքի առաջ ունենալով Պարսից լայնածաւալ տէրութիւնը կազմող բազմազան, բազմալեզու և այլաիրօն հպատակները՝ մտածումէր բոլորին էլ Զրադաշտական կրօնին դարձնելով Պարսիկների հետ ձուլել, որ տէրութեան ներքին բարգաւաճմանը խոչընդոտն չը լինեն և այս պատճառով էլ խորհուրդ էր տալիս Յազկերտին իւր այս մտադրութիւնը շուտով ի գլուխ բերելուն ձեռնարկել: Հենց այս ժամանակ Սիւնեաց իշխան Վասակ մարզպանի փեսան Վարազվաղանը, որ իւր կնոջ հետ լաւ չլիարուելուն համար իւր աներից փախստական ապաւինել էր Պարսից դռանը՝ գրգռումէր Միհրներսէհին շուտով սկսել ինչ որ մտածել է. այս անումէր Վարազվաղան համարելով որ, եթէ յաջողի Հայերին մազդեզանց կրօնին դարձնել՝ ինքն որպէս այդ բանին խորհրդատու՝ մեծ պատուի կը հասնի, և եթէ չի յաջողի, գոնէ յուզուած խռովութեանը զոհ կը գնայ Վասակ՝ որ իւր ունեցած պաշտօնով ներգործող դեր խաղալու էր. իսկ Վասակի կորստեամբ ինքն ազատուած կը լինէր նորա հալածանքից:

Միհրներսէհ Վարազվաղանից դրգռւած՝ քէստոռնեաներին մտադեզանց կրօնին դարձնելու համար Յազկերտին համոզումէր ասելով. «Տէրերը ոչ միայն իրանց ծառաներից ստացած շահերի, այլ և նոցա հոգւոց փրկութեան համար էլ պէտք է հոգան» և խօսքը Հայոց աշխարհի կարևորութեան վերայ դարձնելով ասումէր. «Դուք ինքներդ (Յազկերտ) և բոլոր Արեաց աշխարհը գիտէք թէ ինչպէս մեծ ու պիտանի է Հայոց աշխարհը, որ մօտ ու սահմանակից է կայսեր իշխանութեանը և Յունաց օրէնքն ու պաշտա-

(\*) Եղիշէ «Հիւսուածք» Պ. Կ. Կոստանեան:

մունքն ունի. ելիէ Քր (Պարսից) օրէնքն ընդանէցնէ՛ Զոյա, յեզ և Արեայ աշխարհն իշխելն, և երբ որ հայերը օրտով մերը լինին, Վրացիներն ու Աղուանները մերն են ու մերը : Խորհրդի կոչուած մոգերն ու մոգպետներն էլ հաստատեցին Միհրերսէհի խորհուրդը : Առհասարակ Պարսից աւագանու կարծիքն էր որ, եթէ բոլոր հպատակները մի կրօնով միանան Պարսից հետ՝ տէրութիւնը այնպէս կը զօրանայ, որ Յոյներն էլ կը հպատակեն : Յազկերտ անսալով իւր հազարապետի և մոգերի խորհրդին՝ քրիստոնեայ երկիրները անպաշտպան թողնելու համար տեղւոյն զինուորներին մեծամեծների հետ հրաւիրեց Ապար աշխարհը Քուշանաց գէմ պատերազմելու պատրուակով. երբ որ յաղթեց Քուշաններին, հրամայեց բոլոր քրիստոնեայ զօրականներին Պահ գրան մէջ փակել՝ պատուիրելով որ գրսից ներս եկողներին՝ թոյլ տան, իսկ ներսից դուրս գնալ ցանկացողներին՝ արգելեն :

Քրիստոնեայ զօրականներին Պահ գրան մէջ այսպէս փակելուց և նեղը ձգելուց յետոյ Յազկերտ առաջարկեց Նոյա որ Մազգեղանց կրօնին դառնան. դիմադրողներին չարաչար տանջում և սպարումը հեռաւոր երկիրներ. հաւատուրաց, բանսարկու և ոտորաքարշ մարդկանց մեծամեծ պատուի էր հասցնում, իսկ առաքինի և մեծանուն նախարարներին՝ յետին անարգութեան : Այս անգթութեան երեսից կամեցան խոյս տալ Ատոմ Գնունին և Մանաճիհր Ռշտունին իրանց զօրքերով Հայաստան փախչելով, բայց բոլորն էլ նահատակուեցին Պարսից զօրքերից. այս նահատակների տօնն է որ տօնումէ մեր եկեղեցին Ատոմեանց զօրավարաց անունով :

Յազկերտ հարկերը բաշխելու և ձիաւոր զօրքերի թիւը նուազեցնելու պատրուակով՝ Գենշապուհ Պարսիկ իշխանին ուղարկեց Հայաստան՝ աշխարհագիր անելու :

Գենշապուհ ազատ եկեղեցին և միայնակեացների վանօրայքը հարկի տակ գրեց, երկրի հարկը աւելի ծանրացրեց, նախարարներին միմեանց հետ բանսարկութեամբ թշնամացրեց և ամեն տան մէջ խռովութիւն ձգեց : Եւ այս անումէր, որ թերեւս կարողանայ Հայոց միաբանութիւնը քանդել, եկեղեցւոյ ուխտը ցրուել, միայնակեացներին փախցնել և շինականներին թշուառացնել. որպէս զի յետին սղքատութեան մէջ ընկճելով՝ զրապաշտական օրէնքին դարձնի բոլորին : Պաշտօնանկ արեց Վահան Ամատունուն՝ որ երկրի հազարապետն էր և հայրական խնամքով էր կա-

աւարում աշխարհը, և տեղը մի պարսիկ կարգեց. դատաստանական գործը, որ հոգեւորականներն էին վարում՝ նոյանից առաւ, և մի մոգպետ դատաւոր նշանակեց, որ կարողանայ եկեղեցու փառքը նսեմացնել:

Արկնապատիկ հարկ էին առնում նոյն ինքն եպիսկոպոսներից և երէցներից. ոչ միայն շէն տեղերի, այլ և աւերակների համար էլ հարկ էին ստանում, ոչ եթէ արքունի արժանաւորութեան համեմատ, այլ աւագակարար յաւիշտակելով. այնպէս որ, իրանք էլ մեծապէս զարմանումէին և ասում. «Հայաստան աշխարհը, որ տեղից այսքան գանձ է դուրս գալիս, ինչպէս է շէն մնում»:

Այս ամեն չարիքը հասցնում էին, բայց եկեղեցուն զեռ յայտնապէս չէին դիպել. սակայն երբ տեսան թէ իրանց նպատակի համար այս բաները չօգնեցին, այն ժամանակ թագաւորի հրամանով Միհրներսէս հազարապետը մոգերին և մոգպետներին իրանց կրօնին համեմատ մի թուղթ գրել տուեց և ուղարկեց Հայաստան:

Այս թղթով Միհրներսէս մանրամասնաբար գրումէր գենի մազգեղն կրօնի հաւատալիքը, որ է. Զրուան մեծ աստուածը երկինքն ու երկիրը ստեղծելու համար հազար տարի յաշտ էր անում և ասում «Թերևս կը լինի ինձ մի որդի Որմիզդ անունով, որ կը ստեղծի երկինքն ու երկիրը» և յղանումէ երկուորեակ, «մինը յաշտ առնելուն, իսկ միւսը կասկածելու համար: Ասումէ Զրուան. «որը վաղ ծնուի՝ նորան կը տամ թագաւորութիւնը». Արհմն, որ կասկածանքից էր յղացուած՝ պատուումէ Զրուանի որովայնը դուրս է գալիս և կեղծումէ թէ ինքն է Որմիզդ. իսկ Զրուան նորա խաւարային և չարասէր լինելուց գուշակելով հանգերձ որ Նա Որմիզդ չէ, այնու ամենայնիւ տալիս է նորան թագաւորութիւնը հազար տարի, ծնվումէ և Որմիզդը, Զրուան թագաւորութիւնը Արհմնից հանելով՝ տալիս է Որմիզդին՝ որ ստեղծելով երկինքն ու երկիրը և բոլոր բարի բաները՝ համարվումէ բարի աստուած, իսկ Արհմն ստեղծելով գեւերն ու բոլոր չար բաները՝ համարվումէ չար աստուած:

Որովհետեւ գենի մազգեղն օրէնքի սկզբունքը հիմնուած է աստուծոց երկուութեան վերայ, որ են բարի աստուած և չար աստուած, — հետեւաբար Միհրներսէս իւր թղթով կշտամբումէր քրիստոնէութիւնը՝ մատնանիշ լինելով Ա. միոյն Աստուծոյ բոլոր արարածների և մահու ու կենաց արարիչ համարելը, և նախածնողաց պատու իրանազանցութեան համար նոյա մահուան դատա-

պարտելը՝ ասելով. « Զայսպիսի նախանձ և ոչ մարդ առ մարդ ունի, թող թէ Աստուած առ մարդիկ » :

Բ. Կշտամբումէին սուրբ Կոյս Մարիամից Յիսուսի Քրիստոսի ծնուիլը, նորա խաչուիլը, թաղուիլը, յարութիւն առնելը և երկինք համրառնալը, ասելով. « Դեք որ չարքն են՝ ոչ ըմբռնին և տանջին ի մարդկանէ, թող թէ Աստուած արարիչ ամենայն արարածոյ » :

Գ. Կշտամբումէին հոգեւորականներին՝ որ նոքա միտ չեն ուտում, ամուսնացեալ չեն, աղքատութիւն և հանդերձի անշքութիւն են սիրում. մահը գովումեն, կեանքը պարտաւում և ույն. առ այս գրումէր. « Եւ եթէ լսէք դոցա, և ի կանայս ոչ մերձենայք, աշխարհիդ վախճան վաղվաղակի հասանէ » :

Հայերը այս նամակին կամ կէտ առ կէտ պէտք է պատասխան տային, կամ Պարսկաստան — արքունիք՝ ցնային : Ուստի Ս. Յովսէփ Արտաշատ քաղաքում 449 թ. ժողով գումարեց, որին ներկայ էին բոլոր եպիսկոպոսները, շատ քորեպիսկոպոսներ և զանազան տեղերից երէցներ՝ եկեղեցու սուրբ ուխտով հանդերձ. մեծամեծ նախարարների և բոլորի հաւանութեամբ ժողովում գրուեց Միհրնբերսեհի թղթի պատասխանը, որի մէջ զօրաւոր փաստերով ապացուցանումէին թէ մի է ճշմարիտն Աստուած, թէ նա ստեղծեց երկինքն ու երկիրը և բոլոր արարածները. թէ Աստուծոյ արարածների մէջ չար չը կայ, այլ ինչպէս լուսոյ բացակայութեան հետեւանքն է գատարկութեան խաւարը, որ գոյութիւն չունի, նոյնպէս և բանական արարածների ազատակամ իրանց բնական բարւոյն հակառակ գործածն է չարութիւն. թէ նախաստեղծների պատուիրանազանցութիւնը պատուհասեց արգարագատն Աստուած, բայց և ընկած մարդկութիւնը փրկելու համար իբրեւ ամենաբարի հայր ուղարկեց իւր որդին և բանն Յիսուս Քրիստոս՝ որ սուրբ Կոյս Մարիամից ծնունդ առաւ՝ մարդոց մէջ մարդկաբար գործելու և մարդկան փրկութիւնը հնարաւորելու համար :

Այդ պատասխանի մէջ սուրբ Յովսէփ Հայոց աշխարհի կողմից գրումէր թէ, սուրբ գրքից խրատուած են հնազանդել մարմնաւոր իշխաններին ոչ միայն իրանց ինչքն ու ստացուածքը, այլ և իրանց և իրանց որդւոց արիւնը յանձնելով նոցա տնօրէնութեանը, միայն թէ նոքա միայն աշխարհի շինութեան և խաղաղութեան համար հոգային, իսկ ժողովրդի հոգւոյ փրկութեան հոգսից հեռու

մնային, առ այս գրելով. «Բայց վասն հոգւոյ մերոյ զձեզ ինչ ամենեւին այդ հոգս մի աշխատեացէ և վասն պարգև ի և պատուհասի, որ երկնիքդ յաստուծոցդ, ի մեր անձինս և յոգիս յԱստուծոյ օգուտն այն կամ պատիժ» (Ղազար Փարպ.)։ Ս. Յովսէփ յայտնումէր թէ՛ հայերը ճանաչելով ճշմարիտ և մի Աստուծուն, որ ստեղծել է երկինքն ու երկիրը և նոցա միջի արարածները, տարերքներին, արեգակին և լուսնին ծառայելու չեն։

Ս. Յովսէփ հերքումէր զրադաշտական կրօնի թիւր լարդապետութիւնները, հեգնելով Որմզդի և Արհմնի ծնունդը Զրուանից և չարի ու բարւոյ առանձին առանձին աստուած լինելու սկզբունքը, ասելով. «Եթէ մահը չար աստուածը ստեղծեց՝ ուրեմն բարի աստուծոյ արարածը խանգարեց, եթէ այդ այդպէս՝ ուրեմն նորան չէ կարելի բարի աստուած համարել, այլ ապականացու կիսագործ» և որ աստուծոյ արարածները ապականելի ու եղծանելի են՝ նորան անեղծ աստուած չէ կարելի ասել. մի աշխարհի երկու դեհապետներ չեն լինիլ և ոչ մէկ արարածին՝ երկու աստուածներ. եթէ համարձակուին և մի աշխարհի երկու թագաւորներ լինին՝ աշխարհը կը փչանայ և թագաւորութիւնը կը խանգարուի»։ Ի նկատի ունելով գործերի դրութիւնը ժողովը իւր այս թղթով գրումէր Միհրնէրսէհին. «Այս հաւատից մեզ ոչ որ չի կարող խախտել, ոչ մարդիկ, ոչ սուր և ոչ հուր. մեր բոլոր ստացուածքը քո ձեռքին են և մեր մարմինը քո առաջին է. քո կամքի համեմատ արա ինչ որ կամենումես։ Եթէ այս վկայութիւնից յետոյ ուրիշ բան հարցնես, ահա կանք՝ մեր բոլոր մարմինը յանձնած քո ձեռքը, արա ինչ որ կամենումես։ Քեզանից տանջանք՝ մեզանից յանձնառութիւն. և սուրը քոնը՝ պարանոցը մերը . . . մեռնենք իբրեւ մահկանացու՝ որ մեր մահը ընդունուի ինչպէս անմահներինը»։

Յազկերտ դեսպաններից այս նամակը ընդունելուց յետոյ հրամայեց կարգաւ և լսողները բոլորը գովումէին պատասխանը. ճարտարաբանութիւնից աւելի՝ աներկիւղութեան վերայ էին զարմանում. իսկ աւագանին ու մոգերը այնպիսի վստահութեամբ գրումած նամակից եղբակայրին որ, եթէ հայերը ուրիշ տեղից օգնականութեան յոյս չունենային՝ այնպիսի նամակ ոչ միայն թագաւորին չէին գրիլ, այլ և մտքներովն անգամ չէին անցկացնիլ։

Միհրնէրսէհ հազարապետի և մագպետի խորհրդով թագաւորը յականէ յանուանէ արքունիք կանչեց Հայոց, Վրաց և Աղուանից

մեծամեծներին, որոնք ի նկատի ունելով, թէ Պարսկաստան չըզնալը ապստամբութեան նշան պէտք է համարուի և Պարսկաստանում եղածների կեանքը պէտք է վտանգի ենթարկուի. Սուրբ Յովսէփի ձեռքով նախապէս սուրբ աւետարանի վերայ երգուելով միաբանութեան ուխտ հաստատեցին և ապա ճանապարհ ընկան: Հայոց կողմից Պարսկաստան գնացողներն էին Վասակ Սիւնի՝ որ 445 թուից հետէ մարզպան էր, Ներշապուհ Արծրունին, Արտակ Ռշտունին, Գագիշոյ Խորխոռունին, Վարդան Մամիկոնեանը, Արտակ՝ Մոկաց, Մանէճ՝ Ապահունեաց, Վահան Ամատունի, Գիւտ Վահեւունեաց, և Շմաւոն Անձեւացեաց նախարարները: Յառաջ, երբ որ Հայոց զօրականները արքունիք էին գնում՝ թագաւորը մեծ պատուով էր ընդունում, մարզիկ էր ուղարկում ընդառաջ, հարցնումէր Հայոց երկրի և ժողովրդի որպիսութիւնն ու խաղաղութիւնը. ինքն անձամբ գնդի հանդէսը տեսնումէր, բայց այս անգամ, այսպիսի արարողութիւններ չեղան: Զատիկի շաբաթ օրը նախարարները ներկայացան թագաւորին որ խոստացաւ մեծ պատուով ու փառքով յետ դարձնել, եթէ հետեւեալ օրը արեգակի ծագման ժամանակ իւր հետ ծունր կրկնեն և աստուած խոստովանեն արեգակին. և ընդհակառակն, եթէ նախարարները զիմադարձէին՝ սպառնացաւ մեծամեծ նեղութիւններով կատարել տալ իւր հրամանը:

Նախարարների կողմից սպարապետ Վարդան Մամիկոնեան աներկիւղ վստահութեամբ, զուարթ գէմքով և համեստ խօսքով յիշելով Հայոց հաւատարիմ ծառայութիւնները սկսեալ Նապուհից, պատմեց Հայոց երկրի դրութիւնը, հարկերի կրկնապատիկ առաւելութեամբ արքունի գանձարան մտնելը, ազատ եկեղեցիների հարկի տակ ընկնիլը, նախարարների հաւատարմաբար ծառայելը. խոստացաւ իւր կեանքը և տան յետին կարասին Պարսից թագաւորի ու երկրի օգտին յօժարութեամբ գնել. յաւելացնելով— «բայց օրէնքը, որ իմ՝ մանկութիւնից սկսած սովորեցի Աստուծուց, թողնել և մարդուց վախենալով փոխանակել՝ անհնա՞ր է, քաւ լիցի». իսկ միւս նախարարները ասացին. դու, արքայ, այդ բանը կրկին մեզ մի՛ ասել: Եկեղեցին ոչ մարդու շինուածք է և ոչ էլ արեգակի տուրք. ոչ թագաւորների պարգև է, և ոչ ճարտարութեան արւեստ. ոչ իմաստունների գիւտ է և ոչ զինուորների աւար: Նորահիմունքը ոչ ներքինները կարող են շարժել, և ոչ վերինները

խախտել, և ինչ որ երկինքն ու երկիրը չեն կարող սարսափեցնել՝ թող մարդկանցից ոչ մէկն էլ չը պարծենայ նորան յաղթել: Աւրեմն ինչ կամենումես, արա՛. բոլորս էլ պատրաստենք քո բոլոր տանջանքների գործիւններին, որ սպառնացիր ոչ միայն չարչարելու՝ այլև մեռցնելու համար:

Թագաւորը երբ որ լսեց այս խօսքերը, կրկին և կրկին սպառնացու հայաստան երկիրը քար ու քանդ անել, Հայոց կանայքն ու մանուկները խուժատան տարագրել, եկեղեցիները աւերել և նախարարներին ու մեծամեծներին ոչ թէ խելոյն սպանել, այլ մեծամեծ տանջանքներով անել բանտերում մաշել: Միայն ըստ ինչորոյ ոմանց նախարարաց՝ թոյլ տուեց մի քանի օր խորհել: Այս ժամանակ թագաւորի ներքին խորհրդականներից մէկը, որ մկրտուած էլ էր, գաղտուկ խորհուրդ տուեց նախարարներին, իրանց աշխարհը վերահաս չարիքներից ազատելու համար գոնէ առ երեսս արեգակին երկրպագութիւն անել և զրադաշտական օրէնքը ընդունել: Նորա խորհրդին անսացին երեք քրիստոնեայ աշխարհների նախարարներն էլ, երգուելով հայրենիք վերադառնալուց յետոյ միաբան գէնքը ձեռքին պաշտպանել քրիստոնէութիւնը: Այս ուխտը երեք աշխարհի նախարարներն էլ աւետարանի վերայ հաստատուելուց յետոյ, նոյն ինքն մարգուն ուղարկեցին թագաւորի մօտ յայտնելու թէ պատրաստեն նորա կամքը կատարելու: Թագաւորը շատ ուրախացաւ և մեծամեծ պարգևներ տուեց ամեն մէկ նախարարին, ագարակներ և գիւղեր բաշխեց. թագաւորական զգեստներով զարդարեց նոցա: Երբ որ նախարարների ուրացութիւնը տեսան արքունիքում եկած քրիստոնեայ զինուորները, շատ տրտմեցին, յանգիմանեցին զանազան խօսքերով, որոնց նախարարները ոչինչ պատասխանել չը կարողացան. վառն զի անհրեար էր յայտնել առ երեսս ուրացութեան պատրուակը: Դեռ նախարարները ճանապարհ չէին ընկել, որ քահանաները բաժանուեցին նոցանից և մէկին, օձիքը պատռտած պնդագեստական ուղարկեցին Հայաստան, ուրացութեան գոյժը յայտնելու համար:

Իսկ նախարարները թագաւորի հրամանով վերադարձան իրանց երկիրները հետներն ունենալով շատ այրուծի, եօթն հարիւրից աւելի մոգ ուսուցիչներ, որոնց մոգպետ նշանակուած էր մի մեծ իշխան: Դեռ Հայաստան չէին հասել, մոգերը վիճակ էին ձգում թէ ո՞ր աշխարհը ում բաժին կը հասնի աշակերտելու:

Արքուհի Հրամանով մի տարուայ ընթացքում պէտք է խափանուէին եկեղեցու կարգերը և պէտք է փակուէին ու կնքուէին սուրբ տաճարների դռները. գրով ու համարով պէտք է արքունիք գրաւուէին եկեղեցու սուրբ սպասներն ու անօթները. քահանաները պէտք է չը համարձակէին տներում սորվեցնել. մենանոյներում գտնվող կանայք և այր մարդիկ պէտք է աշխարհականի հանդերձ հագնէին. նախարարների կանայքը նոցա տղայքն ու աղջկեքը պէտք է կրթուէին մագերի մօտ. սուրբ ամուսնութեան խորհուրդը պէտք է վերանայր. փոխանակ մի կնոջ շատ կանայք պէտք է առնէին. ամենամօտ ազգականների ամուսնութիւնը թոյլատրելի պէտք է լինէր. տնային կենցաղավարութեան մէջ պէտք է իշխէր պարսկական սովորութիւնը:

Թէպէտ Պարսից արքունիքի նպատակը այս էր և մոգերն ու մոգպետները կամենումէին շուտով ի գլուխ հանել այս ամենը, բայց Հայոց, Վրաց և Աղուանից նախարարները դեռ միմեանցից չը բաժանուած՝ նորից սուրբ աւետարանի վերայ եղած միաբանութեամբ միմեանց օգնելու ուխտը հաստատեցին, և իւրաքանչիւրը իւր բաժնի մոգերովը գնացին իրանց աշխարհները: Յազկերտի մօտ պատանգ էին մնացել Վրաց Աշուշա բղեաշխը և Վասակ Սիւնու երկու որդիքը Բարիկ և Ամիրներսէս:

Հայոց գունտը մոգերի հետ դեռ Հայաստան չէր հասել, որ եպիսկոպոսների ժողովը գլխականից նախարարների ուրացութեան և մոգերի գալստեան լուրը լսելով Ս. Յովսէփի հրամանով՝ ամեն մի եպիսկոպոս գնաց իւր վիճակը, և գիւղերում ու ագարակներում, աւաններում ու լեռնային ամուր գաւառներում քորեպիսկոպոսներ նշանակեցին. որոնք քարոզում ու քաջալերումէին արանց և կանանց՝ եկեղեցին պաշտպանելու համար զենուիլ: Բոլորի նշանաբանն էր. « ձեռն եղբօր հորազատի՝ ի մերձաւոր իւր լիցի, որ անցեալ իցէ ըստ ուխտ պատուիրանին Աստուծոյ: Օրէնք աստուածային կայցեն թագաւոր ի վերայ ամենայնի և ի նմին օրինաց ընկալցին յանցաւորք զպատիժս »:

Չորրորդ ամսին Հայոց գունտը հասաւ Անգղ գիւղաքաղաքը. եկեղեցու ուխտը, որ ընդ առաջ էր դուրս եկել խաչով և Ս. Գրիգորի մասունքով, հաւաստեալ իմանալով նախարարների ուրացութիւնը, յետ դարձաւ. բոլորը և նոյն ինքն հարազատները խորշումէին նոցանից. տեսարանը ցաւալի էր. առ երեսս ուրա-

ցողները կամենումէին իրանց սրով մեռցնել, որովհետեւ ոչ որ չէր կամենում նոցա սեղանակից լինել, ոչ կինը, ոչ որդին, ոչ ազատը. ոչ ծառան և ոչ սպասաւորը: Սուգ էին մտել եպիսկոպոսներն ու եկեղեցու ուխտը. իսկ մոգերը անդադար ստիպումէին եկեղեցին ատրուշան դարձնել:

Վարդան Մամիկոնեանը իւր կեղծ ուրացութիւնը իւր ընտանեաց պատմելուց յետոյ կամեցաւ նոցա հետ Յունաստան գնալ և արգէն հասել էր Բագրևանդայ Արամանայ գիւղը. բայց Վասակ Սիւնին, միւս նախարարներն ու եպիսկոպոսները գրեցին նորան որ յետ կենայ իւր խորհրդից, յայտնելով միանգամայն որ այն դառն հարուածից, որ պատրաստուած է ամբողջ ազգի համար, պէտք է ամեն մինը իւր գլուխը չազատի, այլ պէտք է ըստ կարեաց՝ աշխատի ազգի և եկեղեցու փրկութեան համար, որից յետ կենալը վատութիւն է: Վարդանին ներկայացրին այս թուղթը Ղևոնդ, Վաղարշապատի Երեմեա և Մրենոյ Խորէն երէցները, որոնց խօսքին հաւատալով և սուրբ աւետարանը տեսնելով՝ որի վերայ միաբանութեան ուխտ էին կապել, իւր Հմայեակ և Համադասպեան եղբայրների հետ վերադարձաւ: Որպէս զի պատանդներին վնաս չը հասնի՝ ուրացեալները կեղծ ուրացութեան քօղը չէին վայր ձգում և ապստամբութիւնը ուշացնումէին, թէպէտ և Վահան Ամատունին թշնամութիւն ունենալով Վասակի հետ առանց փոյթ ունենալու նորա պատանդ որդւոց համար՝ շտապեցնումէր ապստամբութիւնը:

(Կըլարոնահոյ-ի) .

Յ. Վ. Մ.

